

Dos palabra clave den Conferencia di Cuido di Salud: Cooperacion y Calidad

ORANJESTAD – Desde dialuna nos pais ta anfitrión di e prome Health Care Conference Aruba (HCCA) cu a nace como un proposicion di e reunion Inter parlamentario den Reino (IPKO) na aña 2013.

Bon Dia Aruba a papia cu dos parlamentario, sra. Lorna Varlack y sr. Glenbert Croes riba e desaroyo di e conferencia cumbre aki cu a conta cu presencia di e ministernan di salubridad publico di Hulanda, Corsou y Aruba, y ayera nan tabata na spera di nan colega di St. Maarten tambe.

Cooperacion

Parlamentario Lorna Varlack a bisa cu e conferencia aki a demanda hopi trabou y hopi preparacion, y hopi placa tambe. Pero e ta un conferencia cu un asistencia grandi di participante for di diferente paisnan di Reino. “Loke nos kier logra ta un cooperacion entre Reino y dunado di cuido di salud”, el a bisa. Intencion ta pa den futuro nos pashentnan nos mester bay otro pais sino cu nan ta bay haci uzo di e cuido medico di e islanan di nos region mes. E lo ta den un calidad halto riba tur aspecto di ciencia medico y cuido. E cambio

aki lo resulta mas barata y lo tin mas control. Ademas e pashent no lo bay leu fei di cas.

Salud un derecho fundamental

Parlamentario Glenbert Croes a haya e conferencia aki hopi positivo pa tur pais den Reino y e islanan BES, pa mira con e tres pais lo por coopera cu otro den afan di nos mes desaroya servicio di salud cu actualmente ta bayendo pa otro paisnan. Esaki ta contempla por ehemplo cu cierto tratamiento lo por tuma lugá ya sea na Aruba, Corsou y St. Maarten.

Segun parlamentario Croes, esaki kiermen cu nos mester eleva nos nivel di servicio. Tambe mester amplia e calidad y facilidad di cierto servicionan medico cu kisas nos no tin ainda riba nos isla. Esaki ta nifica cu nos mester inverti den nos infraestructura, servicio y reorganizacion di salud. Sr. Glenbert Croes ta considera cu e meta fundamental cu el a considera positivo e dia di apertura di e congreso aki, ta sigura cu henter pueblo tin acceso na servicio di salud.

Sr. Croes a bisa cu e acceso na atencion medico aki mester ta no obstante di unda bo ta, of independiente si bo tin



manera economico of no. Tur hende tin derecho fundamental pa por hiba un bida bon y cu salud, segun e parlamentario.

Sinembargo el a bisa cu logicamente esaki ta algo facil di bisa pero nada facil pa haci si bo no tin e formula financiero pa cumpli cun’e. Pero a pesar di e situacion aki e meta cardinal fundamental di e derecho fundamental na acceso di salud mester wordo manteni.

“No por ta asina pasobra un persona tin of no tin placa, e no por haya atencion medico”, el a bisa.

Dr. Beke:

Gobierno ta haci su trabou y ciudadanonan tambe mester contribui pa mehora nan salud

ORANJESTAD – Mas cu 200 persona a acudi y participa dialuna den e prome Health Care Conference Aruba, cual tin e meta pa e partnernan den Reino traha hunto pa logra controla gastonan den salubridad Publico.

Principalmente e islanan Hulandes den Caribe. Varios dokter local a participa den e evento aki, habri pa profesionalnan di e ramo y ehecutivoan involvi den maneho di Salud Publico di partnernan den Reino. Den esunnan presente por a mira ex-Minister di Salud Publico, dr. Lilli Beke.

Dokter Beke, kende a maneha e cartera aki di 1994 pa 1998, tabatin hopi palabra di elogio pa e Conferencia. For di tempo cu el a goberna pa awor, e ex mandatario ta contento di mira con Aruba a avansa riba tereno di salud publico, cual cambianan, e ta bisa, a cuminsa for di tempo cu el maneha e cartera di Salud Publico. “Awor nos ta na un nivel bastante aceptabel, si nos compara nos mes cu salubridad publico na nivel mundial. Ainda tin cos pa drecha, y semper e lo keda asina ora cu tin desaroyo,” dr. Beke a duna di conoce.

Dr. Beke a scucha discurso di e Ministernan di Salud Publico di e islanan di Reino, pero tambe di e ex cirujano General di Merca sra.

E ta spera cu e mensahe aki cu ta saliendo di e conferencia menciona ta penetra den pensamiento di tur politico, mandatario, parlamentario, dignatario, etc. Pero tambe cerca e profesionalnan di e sector pa cumpli cu e “meta sagrado aki”.

E pregunta cu ta keda atras segun e parlamentario Glenbert Croes- ta con nos lo haci esey de cuadro di nos situacion financiero pa logra e meta aki. Ya cu nos ta pasando den un situacion financiero dificil. Pues e ta bay ta e gran desafio di e colaboracion, debate y idea cu ta surgi di e conferencia di HCCA. □

Joycelyn Elders y dr. Jamez Fitzgerald, representante di PAHO.

Scuchando tur loke e oradornan a trece dilanti di e deseo di logra un cobertura medico universal combina cu un control di gastonan den e sector aki, Sra. Beke a splica cu na su opinion Aruba ta basta avansa riba e tereno aki. Pero semper mester tene cuenta cu Aruba ta un comunidad chikito cu recursonan financiero limita, y e recursonan disponibel ta hunga un rol importante riba con por maneha Salud Publico.

“Nos no tin e facilidadnan manera paisnan grandi, sinembargo a pesar di esey nos nivel di Salud Publico ta hopi bon compara cu e otro islanan di Caribe y paisnan di Latino America.” E ta kere cu riba e parti di educacion y motivacion Aruba falta hopi y mester traha riba dje. Beke ta opina cu tin basta trabou cu a wordo haci caba riba e tereno aki pa curasha e hendenan pa p.e. cambia nan estilo di bida, pero esaki no ta yega na e poblacion pa nan bira consciente di loke nan mester contribui na dje pa hiba un bida saludabel. “Gobierno y dokter por haci di nan banda, pero e otro parti mester bini di e ciudadano mes. Esta contribui pa hiba un bida saludabel pa gosa di un bida mas largo y saludabel,” dr. Beke a duna di conoce. □